

الظالم والمظلوم

الظالم بيقول للمظلوم
انا ظالم كده عيني عينك
عندك محاكم وقانون
يحكم ف اللي بيني وبينك
ويديني ويديلك طولة العمر
ونشوف بقى مين حاله امر
عشان حواليه طبعاً ناس
بتقف معاه في الباطل
باعوا المبادئ والاخلاص
والكل عامل فيها راجل
يسخروا منه
ويضيع حقه
ويقولوله موت موت
انت اصلاً تحصيل حاصل

الظالم عينيه بجحه
بتطق شرار
وقلبه ع المظلوم قوي
يتكلم بطريقة وحشه
عنده اصرار
يظلم فيه ويفتري
عشان حواليه طبعاً ناس ..

المظلوم مغلوب على امره
يا ولداه
مهما بين في الحقيقه
اكني اللي يقصف عمره
ابو جاه
قادر والنيه مش بريئه
عشان حواليه طبعاً ناس ..